

967

I C O D I C E S

968

Hegenense Collegium Can. Reg. in Dioec. *Wormat.* initia sumfit circa an. 1135. *Hegenebenſe* vero Coenobium O. Cist. in *Haffia* fortasse antiquius fuit. Utriusque tamen aetatem praestans hic *Codex*, ut dictum, longe excedit. Igitur adquisitionem tantum ab alterutro oportuit.

CCLXX. VII C. 26.

183

Codex chartaceus lat. Sec. XV. Folior. 242. f. currente calamo scriptus complectitur sequentia: I. *Isidori Hispalensis* Ep. Scriptoris Sec. VII. Opus de *Nativitate Domini*, *Passione*, *Resurrectione*, *Regno* atque *Judicio* ad Sororem suam *Florentinam*. Ad quam Praefatiuncula incipit: *Quedam que in diuersis temporibus in ueteris testamenti libris pre-nunciata sunt* &c. Opus ipsum: *Judei neptaria incredulitate christum dei filium abnegantes* &c. ultima ejus verba sunt: *quia thabernaculum dei sancti eius sunt, in quibus habitat in eternum.* Rectius certe, quam in *Jac. Du Breul* edit. *Opp. Isidori nostri Paris.* 1601. f. ubi lacinia p. 579. adfuta evidenter ad alium Tractatum, scilicet ad *Allegorias*, vel plane ad *Eucherii Lugd. Formulas spiritualis Intelligentiae* pertinet. Librarius noster adjecit: *Explicit liber ysidori Toletani.* Vide et *Cod. praeced.*

II. fol. 26. Incipit pharetra fidei christiane contra iniquos iudeos. Dialogus est inter *Ecclesiam* et *Synagogam* constans *Par-*

tibus II. quarum priore errores talmudici refutantur, posteriore constabatur religionis christianae veritas. Praefatiunculae initium est: *Acuite sagittas, implete pharetras ad prosterndas vulpeculas* &c. Libellum hunc in *Hispania* olim repertum, referente *Nic. Antonio Bibl. Vet. Hisp. T. II.* p. 261. typis dedit in 4. absque loci mentione *Gundisalv. Garſias a S. Maria.* Extat et *Lipsiae* per *Conr. Kachelouen* 1494. 4. Autorem *Hispanum* suspicatur *Antonius*, eo, quod neminem Patrum praeter *Isidorum Hispal.* citet; sed *Echardus* in *Scriptt. O. P. T. I.* p. 739. mavult illum *Gallum* et quidem Ordinis sui, ex illis *P. I. c. 9.* nobis *fol. 29. p. 2.* verbis: *Quare ergo non statim punitus fuit rex francie, qui non solum derisit sed etiam combussit omnes libros thalmuth in regno suo, et quare non fuerunt puniti fratres predicatorum, qui hoc ordinaverunt?* Dispiciat Lector adhibito tamen in Consilium *Cod. CCCLXV.* ubi Autor *Theobaldus O. P.* audit. Tempus scriptionis inde liquet, quod *P. I. c. 4.* nobis *fol. 28. p. 2.* dicantur *Judaei* jam *mille trecentis annis* clamare, ut de manibus Christianorum liberentur.

III. fol. 42. p. 2. Tractatus contra *Hussitas*, qui *Cod. CCCCXII.* indicatus, ibique in subscriptione foli *Petro de Pulka* tributus est, quique incipit: *Iussit Reuerendissima vestra Paternitas ac metuendissima dominatio* &c. hic sequenti gaudet clausula: *Explicit*

plicit tractatus contra articulos huf-
sitarum collectus In vniuersitate
wien. ad instantiam Reuerendissimi
in christo patris &c. domini pla-
centini (Brandae Castillionei) pres-
biteri Cardinalis Sacrosanctae Ro-
mane ecclesie et apostolice sedis le-
gati Per egregios Sacre theologie
professores et Magistros Jacobum
ord. predic. doctorem eiusdem car-
dinalis, petrum Pucka (l. Pulka)
et Bartholomeum de Ebraco ord.
Cisterciens. rescriptus In Essing
(Coppido Bavariae in Ep. Ratisb.)
Anno domini M^o CCCCXXIIX^o.
feria quarta proxima post domini-
cam judica per Andream Boemum.
Cod. suprac. scriptus dicitur
1426. Jacobus Legati theolo-
gus, ut reor, Zinedolus fuit Pla-
centinus, cujus meminere Pet.
M. Campus in Hist. Eccl. di Pia-
cenza T. III. p. 194. et Quetifus
in Scriptt. O. P. T. I. p. 771.
Bartholomaeum vero Abb. Ebo-
racensem in Franconia, unum ex
10. Hussi iudicibus apud Car. de
Visch in Bibl. Scriptt. Cisterc. p.
32. reperies. Scriptum saepius
recurrens. Adi Indicem.

IV. fol. 90. Tractatus de Cor-
pore Christi. Hujus initium: Ue-
nite comedite panem meum, et bi-
bite vinum, quod miscui vobis.
Prov. 9. His uerbis inuitat nos
dominus ad salutare conviuium &c.
Divisus est in XXXII. five Capi-
ta five Sermones breviores, et
finit: Et circumfluencia tempora-
lium bonorum recte meritoque con-
tempnentur. Amen deo gratias.
Explicit Tractatus multum bonus

de corpore christi. Est Thomae
Aquinati Opusculum LVIII. in
edit. Opp. Romae 1570. T. XVII.
fol. 43. fed hic valde interpola-
tum. Recurret et alibi.

V. fol. 122. p. 2. absque Ti-
tulo Oratio Legatorum Regis Gal-
liae ad Bobemos, ut ad fidei uni-
tatem redeant. Incipit: Quan-
quam in fidei causa catholicus quis-
que et legitimus actor et monitor
exaudibilis esse possit &c. Et fi-
nit: Valete si consilij obtempe-
ratis non perituri. Difficile est sta-
tuere, quando et a quibus habita-
fit, cum praeter Scripturae tex-
tus et monita generalia nihil con-
tineat, neque in Actis Constant.
aut Basil. aliisve Rerum Hussiti-
carum Scriptoribus facile repe-
riatur.

VI. fol. 124. p. 2. Utrum li-
citur sit in ecclesia pecuniam can-
delam aut aliud huiusmodi offerri.
Quaestio haec in partem adfir-
mantem decisa, et, ut videtur,
Nicolao de Dünkelspühl tribuen-
da, indicata est alibi, ut docet
Index.

VII. fol. 126. Tractatus asce-
ticus absque titulo, hoc initio:
Sex sunt quorum quolibet et me-
lius ex omnibus simul construi pot-
est fidei anime secura quedam via
qua defensatur et sequestratur ab
omni mundana delectatione et in-
cursibus malarum temptationum
&c. Haec porro Sex sunt: Me-
ditatio inferni, Coeli, Vitae et
Mortis Christi, Mortis propriae,
claustralis custodia et monastica
disciplina, et demum Consideratio
P p p 3 extre-

extremi Iudicii. Per decursum citatur *Thomas Aq. Scotus, Henr. de Hassia &c.*

VIII. fol. 133. *Traſtatus contra neceſſitatem utriusque ſpeciei in Caena domini fine Autoris nomine. Initium eſt: Sunt nonnulli, qui quibusdam ſcripturis moti laicos communicant ſub utraque ſpecie ſacramentali &c. Finis: quod ad ſalutem eque bene poteſt fieri per pauciora.*

IX. fol. 147. *Compendium Hiſtoriae Evangelicae hoc ingreſſu: Sciendum quod ſecundum Remigium et bernhardum et ſanctum Auguſtinum Jeſus natus eſt &c. Finit: regulariter ordinatum commemorat. Amen Et finitur Regiſtrum hystoriarum ewangeliorum.*

X. fol. 148. p. 2. *Traſtatus catecheticus absque autoris nomine, ad calcem dictus Lucerna Simplicium. Initium eſt: Paſtoribus ſuis confratribus verus Joſeph deus aijt. Non videbitis faciem meam &c. Exponuntur vero Articuli Fidei, Oratio Dominica, cultus dierum feſtorum, qui Autori praecipue ſunt Feria VI. Sabbatum et Dominica, Decalogus, Peccata dicta Capitalia, Sacramenta, et variae Virtutum ſpecies.*

XI. fol. 166. p. 2. *Traſtatus magiſtri Henrici de Haſſia, qui incipit: Tibi dabo claves regni celorum Matth. XVI. Verbum hoc cuilibet dicitur confeſſori, qui abſolvendi habet poteſtatem &c. Saepius indicatus. An idem ſit cum eo, quem Fabricius Memmingae ſub titulo de Eruditione Confeſſa-*

riorum anno 1483. editum adfirmat, dicere non poſſum.

XII. fol. 173. absque inſcriptione *Traſtatus de Arte moriendi. Initium eſt: Cum de praſentis exilij miſeria mortis tranſitus propter moriendi impericiam multis non ſolum laicis verum eciam religioſis atque deuotis difficilis nimis — videatur, Idcirco in praſenti materia que de arte moriendi eſt &c. Dividitur autem in VI. Particulas, quarum 1^{ma} de laude mortis et ſcientia bene moriendi extat, 2^a temptationes morientium, 3^a interrogationes, 4^a quandam inſtructionem cum obſecrationibus, 5^a exhortationes, 6^a continet orationes dicendas ſuper agonizantes. Ultima eſt nota illa: Proſciſcere anima chriſtiana &c. Et clauſula: Et ſic eſt finis huius operis de arte moriendi. Atque haec ſufficiant ad Opusculum iſtud a pluribus aliis, quae hoc titulo feruntur, diſtinguendum. Recurrit.*

XIII. fol. 178. *Prefatio ſuper ſeptem pſalmos penitenciales a domino petro de Aillaco (d'Ailly, Alliaco) Episcopo Cameracen. poſtmodum ſancti Criſogoni preſbytero Cardinali. Vera penitentia velud ſcala quedam eſt &c. Ex quibus verbis Meditationes haec etiam Septem Gradus ſcalae Poenitentiae inſcriptas invenias. Excusae ſunt primum cum aliis magni Autoris Traſtatibus Argentinae 1490. f.*

XIV. fol. 190. p. 2. *De modo conſitendi compositum per eximium doctorem Anthonium. de butrio. Brevis haec Inſtructio, quae incipit:*

973

P A T R I S T I C I

974

incipit: *Primo confessor dicat viro confitenti, quod removeat capucium sed mulieri non.* &c. non memoratur inter Opera Autoris, qui *Bononiae* in patria et *Ferrariae* Jus Canonicum magna fama docuit et obiit a. 1408.

XV. fol. 192. *Opusculum Peccatorum.* Constat prolixo loco ex *Innocentii III.* five *Lotharii* Diac. Libello *de Miseria humanae Conditionis* sub ipsa *Typographiae* primordia edito, et rudibus rhythmis, *de Morte*, quorum extremus:

Flos nitet atque perit, sic homo pulvis erit.

XVI. fol. 193. p. 2. *De Decimis primicijs et oblacionibus.* Initium: *Decimarum solutionem et primiciarum* &c. Autor innotescit ex clausula: *Swadeo ergo cuilibet sacerdoti ut omni tempore decimas predicet et nunc pauperi Episcopo Aiacensi editori et collectori huius dicat Pater noster, qui compleuit Anno Domini M^o.CCCC^o.XXV^o.* Episcopus is est *Andreas de Escobar* Hispanus primum *Megarensis*, dein *Civitatis*, demum *Ajacensis* in *Corfica* Praeful, cujus Opera enumerat *Nic. Antonius Bibl. Vet. Hisp. T. II. p. 155.* Nostrum extat in *Traët. Traët. T. XV. P. 2. fol. 142.* paullo aliter terminatum, nobisque scriptum dicitur: *at vestinanter per wahr. Glonspach Cappelanum illustris principis domini Henrici (divitis) ducis bauarie &c. et pastorem in pleintinghe Anno &c. 30^o. dominica post natiuitatem marie.*

XVII. fol. 208. p. 2. Sine inscriptione *Sermo de Caritate* ad nescio quos *Reuerendos Patres* distributus in VI. *Considerationes*, quibus Dilectio Christianis, Clericis, Monachis, Praedicatoribus verbi Dei, Praelatis, Epi-

scopis, beneficiorumque collatoribus commendatur. Textus praeuius est illud *Job. 1. c. 3. Non diligamus verbo* &c. Initium: *Incipit ille seraphicus et ignite dilectionis plenus beatus Augustinus* &c.

XVIII. fol. 214. p. 2. Expositio brevis: *Quid representant nobis indumenta sacerdotalia in sacra missa.* Sequuntur et *Indumenta pontificalia.*

XIX. fol. 218. praecedente Tabula Capp. 32. *Incipit Summa minor Magistri Johannis de Bononia de confessione et multis alijs bonis.* Mutila est, sistitque in Cap. 26. Caput I. sic orditur: *Inprimis querat sacerdos confitentem. si sciat Pater noster. Ave maria. et Credo* &c. Excerptum videtur hoc Theologiae moralis Compendium ex maiori *Poenitentiali*, quod Autor hic *Johannes de Deo Portugalensis*, ut ad calcem audit, et *Bononiae* Decretorum Doctor atque Canonicus a. 1247. septem libris complexus est. *Adi Oudinum T. III. col. 178. et Fabricium lit. D.* Ejus tamen in Morum materia iudicio non per omnia stare velis.